

www.BibleForChildren.org



Yohanes 14



Gusti Yésus terus ngomong marang murid-muridé:
"Kowé aja pada sedi lan bingung, nanging pada
pretyaya terus marang Gusti Allah lan marang Aku.
Nang omahé Gusti Allah Bapakku okèh panggonané."



"Semunggoné ora ngono mesti kowé ya tak omongi.
Saiki Aku arep budal nggawèkké panggonan kowé.
Nèk Aku wis rampung Aku bakal balik menèh marani
kowé, supaya kowé bisa manggon dadi siji karo Aku."



Aku iki Yohanes, sedulurmu lan kantlyamu ing sakjeroné kasusahan. Aku tunggalé karo kowé kabèh dadi wargané Kratoné Gusti

Allah lan aku ya mantep terus enggonku



pretyaya marang
Gusti Yésus.



Aku dibuwang nang pula Patmos, jalaran
aku ngabarké pituturé Gusti Allah lan
ngomongké bab Gusti Yésus.




Ing waktu kuwi aku terus dikwasani karo Rohé Allah.
Aku terus weruh dampar nang swarga kono.




Aku terus krungu sakkèhé kauripan sing nang swarga lan nang bumi lan uga sing nang sak ngisoré bumi lan nang segara, pantyèn sak ènèngé urip kabèh pada singi, tembungé: "Kaluhuran lan pamuji marang sing njagong nang dampar lan marang Tyempéné, kahormatan lan kekuwatan slawas-lawasé."



Aku uga weruh kuta sutyi, Yérusalèm sing anyar,
medun sangka swarga, sangka nggoné Gusti Allah.
Kuta mau dipatyaki kaya mantèn wédok sing dipatyaki
arep ditemokké karo mantèn lanang.




Aku terus krungu swara banter sangka dampar mau,
tembungé: "Saiki Gusti Allah manggon nang tengahé
manungsa! Dèkné bakal manggon dadi siji karo
manungsa. Wong-wong bakal dadi umaté lan Dèkné
dadi Gusti
Allahé."



Mulékat mau uga nduduhi aku laut sing banyuné bening kaya kristal, yakuwi Banyu Panguripan. Laut mau metu sangka damparé Gusti Allah lan Tyempéné, terus mili nang sak tengahé dalan-dalan nang kuta kono.



Kuta kuwi ora mbutuhké pepadangé srengéngé apa mbulan, awit sing madangi sloroté Gusti Allah déwé lan Tyempéné sing dadi oboré.



Nanging wong-wong
sing pada nglakoni
penggawé ala lan wong
sing seneng ngapusi
ora éntuk mlebu
mbrono, tegesé
sembarang sing
reget blas ora kenèng
digawa mlebu mbrono.
Namung wong-wong
sing jenengé ketulis
nang Buku Panguripané
Tyempéné sing
bisa mlebu.




"Gusti Allah bakal ngusapi sakkèhé eluh sangka mripaté umaté. Pati wis bakal ora ènèng menèh. Kasusahan, tangis lan lelara uga bakal ora ènèng. Sembarang sing lawas wis ilang."




Nang kuta kono ora ènèng barang sing kenèng
tembung nesuné Gusti Allah. Damparé Gusti Allah lan
Tyempéné bakal nang tengahé kuta kono. Para
peladèné Gusti Allah bakal pada ngabekti marang
Dèkné lan bakal pada
nyawang rainé.


Batuké bakal pada
dietyap karo
jenengé
Gusti Allah.



Aku terus weruh wong-wong sing wis pada mati,
gedé-tyilik, pada ngadek nang ngarepé damparé.
Nang kono ènèng buku-buku sing wis kebukak, terus
ènèng buku liyané dibukak, yakuwi Buku Panguripan.
Wong-wong terus pada dikrutu miturut
penggawéné kaya sing ketulis nang
buku-buku mau. Sapa sing jenengé
ora ketulis nang Buku
Panguripan
dityemplungké nang
segara geni kuwi.



Rohé Gusti Allah lan mantèn wédok pada ngomong:
"Gusti mbok teka!" Lan sapa sing krungu kudu semaur:
"Mbok teka Gusti!" Sapa sing ngelak, majua. Sapa
sing kepéngin, njikuka Banyu Panguripan
tanpa mbayar.



Awit katrésnané Gusti Allah marang
manungsa gedé banget, nganti Dèkné
masrahké Anaké sing ora ènèng
tunggalé, supaya saben wong sing
pretyaya marang Dèkné ora
tiba ing karusakan, nanging
nduwèni urip
langgeng.



Rum 3:23 Kenèng apa aku kok bisa ngomong ngono para sedulur. Awit kabèh wong wis tiba ing dosa lan jalaran kabèh namung nuruti karepé déwé, Gusti Allah blas ora kéték apiké sangka uripé manungsa.

Rum 6:23 Tyekaké rembuk para sedulur, nèk dosa ngwasani uripmu, éntuk-éntuké pati sing langgeng. Nanging marang wong sing uripé dadi siji karo Gustiné awaké déwé Yésus Kristus, Gusti Allah ngekèki urip langgeng, kanggo ngétokké kabetyikané.

Ibrani 9:27 Pantyèn wis dadi pestiné manungsa kabèh mati sepisan lan sakwisé mati manungsa bakal dikrutu karo Gusti Allah.



Efése 2:8,9 Para sedulur, mulané kowé kudu ngerti iki: kowé bisa nampa keslametan kuwi namung jalaran Gusti Allah ngétokké kawelasané marang kowé, sak barengé kowé pretyaya marang Kristus. Tegesé, kuwi pawèhé Gusti Allah lan blas dudu upahé enggonmu nggawé betyik. Dadiné ya ora ènèng wong sing bisa sombong lan ngelem dèkné déwé.

Rum 10:9,10 Dadiné para sedulur, nèk kowé ngakoni karo lambému nèk Yésus kuwi Gusti lan kowé pretyaya ing atimu nèk Gusti Allah wis nangèké Gusti Yésus sangka pati, kowé mesti bakal slamet. Awit para sedulur, awaké déwé kudu pretyaya ing ati nèk Gusti Allah wis nangèké Gusti Yésus sangka pati. Kuwi marakké awaké déwé bisa ketampa Gusti Allah. Uga awaké déwé kudu ngakoni nganggo tembung, nèk Yésus kuwi Gustiné awaké déwé, awit kuwi sing nylametké awaké déwé.



Yohanes 3:16,17 Awit katrésnané Gusti Allah marang manungsa gedé banget, nganti Dèkné masrahké Anaké sing ora ènèng tunggalé, supaya saben wong sing pretyaya marang Dèkné ora tiba ing karusakan, nanging nduwèni urip langgeng.

Gusti Allah enggoné ngongkon Anaké medun nang jagat kéné ora kongkon nyalahké manungsa, nanging kongkon dadi Juru Slameté manungsa.



1 Yohanes 5:11-13 Tembungé Gusti Allah bab Anaké kuwi tyekaké ngéné: Gusti Allah wis ngekèki urip langgeng marang awaké déwé lan urip langgeng kuwi awaké déwé bisané nampa nèk awaké déwé pretyaya marang Gusti Yésus Kristus, Anaké Gusti Allah. Tegesé, wong sing wis dadi siji karo Gusti Yésus, wong kuwi wis nduwèni urip langgeng. Wong sing ora dadi siji karo Gusti Yésus, Anaké Gusti Allah, wong kuwi ora nduwé urip langgeng. Para sedulur, aku nulis layang iki marang kowé, supaya kowé sing pretyaya marang Gusti Yésus, Anaké Gusti Allah, pada ngerti kabèh nèk kowé wis nduwé urip langgeng.



Yohanes 14; 2 Korinta 5;
Pamedaran 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Javanese, Caribbean © 2009, Wycliffe Bible
Translators, Inc. All rights reserved.

<https://live.bible.is/bible/JVNTBL/MAT/1>

©2024 Bible for Children, Inc.

www.M1914.org

www.bibleforchildren.org

